

Siap sedia jayakan GTP, ETP

» UMS perlu ada pelan lahirkan generasi berilmu serba boleh

Oleh Amin Ridzuan Ishak dan Nas Norziela Nasbah
bhnews@bharian.com.my
BH 21.10.2012 2
Kota Kinabalu

Pelan Transformasi Kerajaan (GTP) dan Pelan Transformasi Ekonomi (ETP) adalah perancangan pembangunan bersifat moden bagi mempersiapkan Malaysia sebagai negara utuh, berpendapatan tinggi dan kekal berdaya saing.

Yang di-Pertua Negeri, Tun Juhar Mahiruddin, yang juga Canselor Universiti Malaysia Sabah (UMS), berkata inisiatif dilaksanakan di bawah kepemimpinan Perdana Menteri, Datuk Seri Najib Razak itu, adalah sebahagian persediaan untuk mencapai status negara maju pada 2020.

"Secara peribadi, saya melihat setiap perancangan pembangunan bersifat holistik dan konstruktif tidak mampu diwahanakan tanpa disokong utuh oleh modal kemanusiaan yang berjiwa besar serta mandiri lokal.

"Dalam konteks ini, UMS harus mempunyai satu rangka pembangunan modal kemanusiaan dan sumber insan bagi mendukung hasrat kerajaan untuk melahirkan generasi Malaysia masa depan.

"Generasi itu bukan hanya perpengetahuan dan kebijaksanaan tetapi juga jiwa raga, akal budi dan wajah Malaysia yang tinggi dan sedar nilai kenegaraan mereka," katanya ketika berucap merasmikan Konvokesyen UMS Ke-14 di sini,



Tun Juhar menyampaikan **Ijazah Kehormat Doktor Falsafah** dalam bidang kerja sosial kepada Lee pada Konvokesyen UMS Ke-14 di Kota Kinabalu, semalam. [FOTO EDMUND SAMUNTING/BH]

semalam.

Seramai 4,336 graduan menerima ijazah serta diploma masing-masing termasuk aktivis masyarakat, Tan Sri Lee Lam Thye yang menerima Ijazah Kehormat Doktor Falsafah dalam bidang kerja sosial.

Hadir sama, Pro Canselor UMS, Tan Sri Yeoh Tiong Lay dan Naib Canselor UMS, Prof Datuk Dr Ohd Harun Abdullah.

Juhar berkata, modal kemanusiaan yang mempunyai ciri berkenaan penting dalam konteks alaf ke-21 yang penuh dengan cabaran dan ketidak-tentuan.

Katanya, fakta menunjuk-

kan negara bangsa yang tidak mempunyai modal kemanusiaan tinggi, akal budi, jiwa raga lokal dan wajah nasionalisme sendiri bakal berdepan dengan keruntuhan serta kegagalan kemandirian.

"Setiap warga UMS mesti berganding bahu dan bersepadu menggembleng tenaga bagi memastikan hasrat negara dapat dicapai.

"UMS mesti bersama-sama kerajaan dan rakyat Malaysia yang lain dengan bukan saja menyokong penuh agenda transformasi tetapi bersama bergabung tenaga untuk memastikan falsafah tersirat dan tersurat menjadi kenyataan," katanya.

“**UMS harus mempunyai satu rangka pembangunan modal kemanusiaan dan sumber insan bagi mendukung hasrat kerajaan untuk melahirkan generasi Malaysia masa depan.**”

Tun Juhar Mahiruddin,
Yang di-Pertua Negeri yang juga Canselor UMS